

նասունքը լրացնելէ յետոյ, հրամանաւ Ս. Պատրիարքին և ուրոշմամբ Տն. Ժողովոյ կ'ուղևորի Անգղիա. College of the Resurrection, Mirfield, վարժարանը իր դասընթացքներուն հետեւելու համար:

ՆՈՒՆԻՍ. ԻՇԽԱՆՈՒՀԻ, ԿԵՆԱԿԻՅ ՅԱՐՈՒԹԻԻՆ ԱՄԻՐՍ. ԵՐ-ԿԱՅՆԵԱՆԻ.— 1837ին Ս. Յակոբի վանքին կը նուիրէ ադամանդազարդ և ականակուռ ոսկի ճաճանց մը ներքեւը ադամանդազարդ փոքր երկրագունդ մը երեք գլիծերով, հետեւեալ յիշատակարանով. «Յիշեսցի նուիրատու ըշխանուհի Նունիա աղախին Այ. կենակից պայծառափայլ երկայնատոհմ յարգի ամիրայի առաջի գեներան անմահ գառին Այ. թուին 1837» (Յուց. Պ.):

ՆՈՒՐԻ (Ներսես) ՍՐԿ. ԲԱՂԻՇԵՅԻ.— Մը. Գրիգոր պտրք. Շղթայակիրի աշակերտը և սրկ.ը. և անոր բոլոր պաշտօնական և առտնին գործերու հաւատարիմ պաշտօնեան և վերջին հիււանդութեան ժամանակ մօտն ապրող անձնուէր սպասաւորը. ինքնազիր նամակ մը՝ Ներսէս սրկ.էն, ուղղուած հաւանաբար 1749 ին, (Շղթայակիրին մահուան տարին), Պոլիս գտնուող Ապուչեխցի Յովհաննէս վրդ.ին, մանրամասն կը նկարագրէ Շղթայակիրին հիւանդութեան պարագաները և գործադրուած զարմանները. անոր վերջին վայրկեանները և սրտայոյզ հրաժեշտը աշխարհէն: Նուրի սրկ.ին սոյն նամակին համաձայն, Շղթայակիրին մահուան ներկայ գտնուած են հետեւեալները. Գաբրիել վրդ. Թեոդորոս վրդ. (յետոյ պտրք.). Յովհաննէս վրդ. Ասուածատու վրդ. Ա. լուսարար (\* 1759). Մոմճի Պողոս վրդ. Վանեցի Յովակիմ վրդ. Տիրացու Գեորգ. Յակոբ Անուայ. Մեղզն. Աւետիք և քերական Պողոս: Նուրի սրկ. Ս. Յակոբի վանքին նուէր տուած է երկու ոսկեթել փորուրարներ և արծաթեայ սկիհ մը 1734ին (Յուց. Պ.) (ՄՁ. Թ. 532): Յիշեալը վախճանած է 1756ին:

